

WWF Malaysia, UMS anjur ekspedisi saintifik ke Liwagu

NST 10/11/2011 11

KOTA KINABALU: Dana Hidupan Liar Sedunia (WWF) Malaysia dengan kerjasama Universiti Malaysia Sabah (UMS) akan menganjurkan ekspedisi saintifik ke kawasan tadahan air Liwagu di Tambunan selama lima hari mulai esok.

Pengaruh Institut Biologi Tropika dan Pemuliharaan (ITBC) UMS, Dr Abdul Hamid Ahmad berkata objektif ekspedisi itu ialah untuk mengumpul maklumat yang menyumbang ke arah membina pengetahuan kritikal bagi menyokong pengurusan kawasan tadahan air Liwagu dan sumber asli di dalamnya.

Beliau berkata ekspedisi itu termasuk kaji selidik, penyiasatan serta pengenalpastian dan penubuhan sampel, juga plot penyelidikan bagi koleksi data pada masa depan.

"Kerjasama antara WWF-Malaysia dan UMS akan diteruskan selepas ekspedisi dan akan dipanjangkan sehingga akuanji penyelidikan lanjut di kawasan tadahan air

Liwagu pada masa depan termasuk pendokumenan dan pengagihan hasil penyelidikan.

"UMS sangat teruja untuk bekerja dengan WWF-Malaysia dan kami percaya jalinan kerjasama ini, kita boleh saling melengkapi antara satu sama lain dari segi kepakaran, kemahiran dan sumber," katanya dalam satu kenyataan kelmarin.

Kawasan tadahan air Liwagu di Tambunan adalah kawasan projek WWF-Malaysia sejak Januari 2010, dan akan berakhir pada Disember 2012. Ia dibiayai sepenuhnya oleh HSBC Bank Malaysia Bhd.